

JE TSUO BLO NYA TOMI KE HA ADESA HE BLOHI

NYA TSOOMI

Be abo ne a le odehe si himi ne Mawu bo adesahi tsuo ne a hi si nge je mi, ne e ha no tsuaa no he blohi sase, ne no ko be he blo ne e kpoo nge a de o, e ji he jomi ke dami same yemi ke tue mi jomi a sipoku nge je mi.

Be abo ne adesa he blohi a no tue gbomi ke he gue gbemi wo basabasa ni peemihi ke ba gba je o tsuo nya he je o, a ngo no kaa jehane o, adesa maa ye gbeye ke ohia no kunimi, ne e ma na hemi ke yemi ke nya ke tu munyu, ne ene ome ji nimli gu ome a hiami nihi ne pe kulaa.

Be abo ne, ke no ko hewi no ko o, e be gidigidi no ko pee kaa e nyagbe he pulemi no ke si yi kpeti wawe no yemi ke no no nyemi he je o, e he hia kaa a wo mlaa pe ke pee adesa he blohi a he fami no.

Be abo ne kake peemi he hia he je o, e sa kaa a to blo nya ke ha ma ke ma a kake peemi no yami.

Be abo ne Je Mahi A Kake Peemi Kuu o ma a hemi ke yemi no mi ekohu nge Womi o mi, nge adesa he blohi klade ne e nge, ke odehe ne e ji, ke e he jua wami, ke nyumu ke yo a he blo sase ne a hae o, a fia pee si kaa a maa bo mode ne a ha ne adesa kake peemi ke si himi kpakpa ne ya no nge he jomi mi.

Be abo ne mahi ne nge Kake Peemi Kuu o mi wo si kaa a ma pataa Je Mahi A Kake Peemi Kuu o he o, a ngo no ka a ma tsu ni ke na je mi tsuo bumi ke ha adesa he blohi ke e he jomi klade ome a no yemi.

Be abo ne, loko si womi ne o ma tsu ni o lee no ne he hia pe kulaa ji kaa no fee no ne nu kikeme a he blohi ke he jomi ne ome a sisi.

Jehane o,

Kpe Ngua a ha lemi kaa

Je tsuo Blo Nya Tomi ke Ha Adesa He Blohi ne o,

akene e ji blo nya tomi ke ha nimli adesahi tsuo ke mahi kulaa he je o, no fee no ke asafo tsuaa asafo ne wo kikeme a Blo nya tomi ne o ngo ma e he mi be fee be. E bo e he ni tsumi he mode, e gbo e toomi ke tosemi he dengme, ne e gu blohi ne ma wo no yami ke ba nge mahi ke zugbahi a kpeti no, ke na bumi ha adesa he blohi ke he jomi ke gu ene ome a no loko ji je tsuo, ke mahi ne nge Kpe o mi tete a mi bime ke mahi ne nge a no yemi sisi a mi bime ma yose ne a maa ye no saminya.

Fiemi 1

Adesahi tsuo o, a bo me ne no fee no e ye e he, ne no tsuaa nso nge odehe si himi ke he blohi a blo fa mi. A bo me ke no se komi ke he nule juemi, ne e hia kaa no fee no ne e na nyemi suomi ke ha no tsuaa no.

Fiemi 2

No fee no nge he blohi ke he jomi ne a je ngo to nge womi ne o mi a he blo, ne no ko kulaa ko we he ne no ko je he, bo ne no ko e he womi nge, nyumu loo yo ne e ji, gbi ne e tuo, jami mi ne e nge, ma mi sane yemi loo juemi kpa ko ne e hae, ma no loo asafo mi ne

e je, weto ni ne e nge, nɔ́ ko ne kɔɔ e fɔmi loo e blɔ nya kpa ko ne e hee.

Jehane se hu ɔ, mi gbami ko be ne tsɔɔ kaa nge nɔ ko e ma mi he ne e je he je ɔ, blɔ nya tomi ne ɔ se e he. Jame a ma a nge e he nɔ yee jio, a nge e nɔ yee jio, e nge he wami ko sisi nge blɔ ko nɔ jio, e sane yemi ke e mlaa ne e yeɔ, aloo e ke ma kpahi a kpeti blɔ nya tomi kɔ we blɔ nya tomi ne ɔ he nɔ́ ko kulaa.

Fiɛmi 3

Nɔ fɛe nɔ nge wami ke he nɔ yemi ke e yiwa nami he fami he blɔ.

Fiɛmi 4

A be nɔ ko nɔ ko woe ngo pee nyɔgue loo a maa tsi e nya yaka gu. A maa gu nyɔgue yemi ke nyɔgue jua yemi pesepese.

Fiɛmi 5

A be nɔ ko piee, ne a be nɔ ko yi kpeti wae. A be nɔ ko basabasa pee, a be nɔ ko he mi si puee, aloo a maa gbla nɔ ko tue bɔ ne se.

Fiɛmi 6

Nge mlaa nya a, abu nɔ fɛe nɔ kaa adesa nge he fɛe he.

Fiɛmi 7

Nɔ tsuaa nɔ sɔ nge mlaa he mi. Lɔ ɔ he je ɔ, he blɔ nge ne mlaa faa nɔ tsuaa nɔ he pepɛpe ne nɔ́ mi gbami ko be mi. Mlaa ma fa nɔ fɛe nɔ he sɔsɔe, nge tue gbomi ne maa te si ke si nɔ mi hlami ne a tsi to nge womi ne ɔ mi, aloo nɔ́ ko ne ma wo nɔ mi hlami ke ba a blɔ fa mi.

Fiɛmi 8

He blɔ nge ha nɔ fɛe nɔ, ne Amlaalɔ ɔ e kojoli kpakpahi a dlaa ne a kojɔ e sane ɔ haa le, ke munyu ko maa te si ke si he blɔhi kledɛe ne mlaa ke ma nɔ yemi mlaa haa le ɔ.

Fiɛmi 9

He blɔ be ne a nuu nɔ ko gu, aloo a tsio nɔ ko nya nge polisihi a nine nɔ, aloo a fieɔ nɔ ko ke jee e ma mi ne sisi numi be he.

Fiɛmi 10

Nɔ tsuaa nɔ nge he blɔ sɔsɔe ne kojoli ne hee a he, ne a be godɔgodɔ maa kojp e sane ha le pepɛpe ke kaa e na sane ko ne kɔɔ e he blɔhi loo e blɔ nya ni tsumi ko, aloo a ngo mlaa tɔmi ne kɔɔ awi yemi sane ko ke si le.

Fiɛmi 11

Nɔ fɛe nɔ ne a ma wo sane ne hee tue gblami ke si le ɔ, a maa ngo kaa e yi fɔ ke ya si a maa kojo le nge ma he mi ne a maa bu le fɔ nge mlaa nya benɛ e na e he fami he blɔ tsuo ta.

A be nɔ ko fɔ bue ke e tɔ mlaa ne hee tue gblami, benɛ nɔ́ ne e pee ɔ tsɔɔ we mlaa tɔmi nge ma mlaa, loo mahi a kpeti mlaa ne nge nɔ yee jame a be ɔ mi. He blɔ hu be kaa a gblaa mlaa tɔlɔ tue pe bɔ ne mlaa nɔ́ ne nge nɔ yee jame a be ɔ mi haa he blɔ.

Fiɛɛmi 12

He blɔ be nɛ a woɔ nya ngo woɔ nɔ ko e kɔkɔɔ mi sane loo e weku munyu, e we mi loo e womi mi munyuhɪ a mi bɔ nɛ sɛ, aloo a gbee e he guɛ kɛ puɛɔ e blɔ nya nɛ e hɛɛ. He blɔ nɛ ha nɔ fɛɛ nɔ nɛ mlaa ma fa e he nɛ nya womi kɛ e sanɛhi a mi womi kɛ e he guɛ gbemi blɔ fa mi.

Fiɛɛmi 13

Nɔ fɛɛ nɔ nɛ he blɔ nɛ e kpaa si kɛ yaa he nɛ e suɔ, nɛ e hii he nɛ e suɔ nɛ zugba nɔ he nɛ e nɛ ɔ.

Nɔ fɛɛ nɔ nɛ he blɔ nɛ e siɔ ma tsuaa ma mi, kɛ lɛ nitɛ e ma tete nɛ e kpaleɔ kɛ yaa e ma mi.

Fiɛɛmi 14

Nɔ fɛɛ nɔ nɛ he blɔ nɛ e ya dumɔɔ ma kpa ko ke ji kaa a nɛ e mi kpatami he blɔ hlae.

Ke ji a wo sane nɛ da blɔ nɛ kɔ we ma mi sane yemi he, loo Je Mahi A Kake Peemi Kuu ɔ si womi kɛ blɔ nya tomihi a he ɔ, lɛ kɛ kɛ a he blɔ nɛ ɔ, a be nɔ nɛ.

Fiɛɛmi 15

Nɔ fɛɛ nɔ nɛ he blɔ nɛ e peeɔ zugba tsuaa zugba nɔ nɛ e nɛ ɔ nɔ no.

Blɔ be kaa a kpɔɔ nɔ ko he blɔ nɛ peeɔ lɛ ma ko nɔ nɛ e dɛ nɛ sisi numi be he, aloo a ko ngmɛ nɔ ko blɔ ke kaa e suɔ nɛ e ma plɛ e he ma ko nɔ no.

Fiɛɛmi 16

Nyumuhi kɛ yihi nɛ su nihe kɛ zangma mi ɔ, a nɛ he blɔ nɛ a ngo a bi konɛ a wo weku, nɛ wɛtso loo ma nɛ a ti nɔ ko je loo jami mi nɛ e nɛ, tsɪ mɛ blɔ kulaa. A hɛɛ he blɔ sɔsɔɛ nɛ gbami mi sɛmi kɛ gba si himi kɛ gba mi pomi blɔ fa mi.

A nɛ he blɔ nɛ a sɛɛ gba si himi mi ke ji kaa mɛ nihi enyɔ ɔmɛ nɛ a nɛ a bi nɛ ɔ, a na nɔ kplɛmi.

Nyumu kɛ e yo a si himi ji adebɔ nɔ kɛ weku nɛ ba peeɔ wɛtso e sisi jemi. Lɔ ɔ he je ɔ, a hia asafo kɛ ma tsuo yemi ke buami.

Fiɛɛmi 17

Nɔ fɛɛ nɔ nɛ he blɔ nɛ e hii weto ni, lɛ nɔ kake, aloo e kɛ ni komɛ.

He blɔ be nɛ a heɔ nɔ ko e weto ni nɛ e dɛ nɛ sisi numi be he.

Fiɛɛmi 18

Nɔ fɛɛ nɔ nɛ he blɔ nɛ e peeɔ nɔ nɛ e susumi kɛ e he nile kɛ e jami deɔ lɛ. E nɛ he blɔ hu nɛ e tsakeɔ e jami loo e hemi kɛ yemi, aloo e fiɛɔ e jami loo e hemi kɛ yemi ngo tsɔɔ nɛ ma nɔ loo laami mi, nɛ e tsuo e jami he ni, lɛ nɔ kake loo nɛ juami mi.

Fiɛɛmi 19

Nɔ fɛɛ nɔ nɛ he blɔ nɛ e jeɔ e juemi kɛ e susumi kpo kɛ tsɔɔ. He blɔ he nɛ nɛ a kpeɔ kɛ ha nihi a he susumi, nɛ a hlaa nɛ a naa nɔ ko nɛ a nɛ hlae nɛ a le ɔ kɛ jee he tsuaa

he, nɛ nya tɛsimi ko be he, nɛ a gbɛɛ kɛ fiaa ngɛ blɔ fɛɛ blɔ nɔ, nɛ nɔ demi loo huzu tsɪ nya.

Fiɛɛmi 20

Nɔ fɛɛ nɔ ngɛ he blɔ kɛ ha kpe peemi kɛ he nya buami ngɛ tue mi jɔmi mi.

He blɔ be nɛ a nyɛɛ nɔ ko nɔ kɛ ha kpe ko mi sɛmi.

Fiɛɛmi 21

Nɔ fɛɛ nɔ ngɛ he blɔ nɛ e peeɔ e ma mi Amlaalo loo ma nɔ yeli ɔmɛ a kpɛti nɔ kake, aloo e hlaa nihi kɛ daa e nane mi.

Nɔ fɛɛ nɔ ngɛ he blɔ sɔsɔɛ ngɛ e ma mi Amlaalo ni tsumi mi.

Ma bime a suɔmi nya ni ji he wami nɛ Amlaalo ɔ maa da kɛ tsu ni. Ma bi ma je a suɔmi nya ni kpo ngo tsɔɔ kɛ gu nɔ tsuaa nɔ sɔ fɔi loo nihi a hlami nɔ ngɛ golaa mi kɛ anɔkuale blɔ nɔ be fɛɛ be, aloo kɛ gu nɔ hlami blɔ nya tomi kpa ko nɔ nɛ nɔ nyɛmi be mi.

Fiɛɛmi 22

Akenɛ nɔ tsuaa nɔ ji juami mi no he je ɔ, e ngɛ he blɔ nɛ ma puleɔ e he nɛ e susuɔ e he, nɛ nɔ he mi hyɛmi be mi, ngɛ sika kɛ si himi kɛ kusumi he blɔhi a blɔ fa mi, ngɛ lɛ ma a nitɛɛ e mɔde bɔmi kɛ e kɛ mahi a kake peemi blɔ nya tomi kɛ e he wami nya.

Fiɛɛmi 23

Nɔ fɛɛ nɔ ngɛ he blɔ nɛ e tsuɔ ni tsumi nɛ e suɔ. E ngɛ he blɔ kɛ ha ni tsumi he blɔ nya tomi kpakpa kɛ e ni tsumi he pulemi nɛ e ko je e dɛ.

Nɔ fɛɛ nɔ ngɛ hiɔwo sɔsɔɛ ngɛ ni tsumi fiee nɛ a ma tsu he, nɛ nɔ he mi hyɛmi be mi.

Nɔ fɛɛ nɔ nɛ ngɛ ni tsue ɔ, e ngɛ he blɔ nɛ e naa hiɔwo kpakpa bɔ nɛ maa hi ha e kɛ e yo kɛ a bime a si himi saminya kaa nimli adesahi, nɛ ke e he hia a, e sa nɛ e sa ni kpahi hulo kɛ ha a he bumi.

Nɔ fɛɛ nɔ ngɛ he blɔ nɛ e peeɔ ni tsuli a kpe aloo e kɛ e he woɔ eko mi konɛ e kɛ pule e he blɔhi loo e suɔmi nya nihi a he.

Fiɛɛmi 24

Nɔ fɛɛ nɔ ngɛ he blɔ nɛ e naa ngmlɛfia saii ngɛ e ni tsumi be mi kɛ jɔɔ e he. E ngɛ he blɔ hu nɛ e naa ligbihi abɔ nɛ a to he blɔ nya kɛ ya jɔɔ e he. E ngɛ he blɔ hu nɛ e naa ligbihi abɔ nɛ a to he blɔ nya kɛ ya jɔɔ e he be komɛ, nɛ a je we nɔ ko ngɛ e hiɔwo mi.

Fiɛɛmi 25

Nɔ fɛɛ nɔ ngɛ he blɔ nɛ e naa si himi kpakpa kɛ haa lɛ nitɛɛ kɛ e yo kɛ a bime a yiwa nami. Níhi nɛ he hia mɛ ji niye ni, heha nɔ, hi he, hiɔ tsami, heja jemi níhi, he blɔ kɛ ha yemi kɛ buami ke kaa e ni tsumi je e dɛ, ke e nu hiɔ aloo oslaa ko ye lɛ, e ngɛ aho si himi, e bwo aloo e sɛ pimi si himi ko mi bɔ nɛ e be nyɛɛ e he mɔde bɔmi.

Yifɔyihi kɛ jokuɛwi hia nɔ hyɛmi kɛ yemi kɛ buami pɔtɛɛ. Yo kpeekpee bi jio, pla bi jio, mɛ tsuo a hia nɔ hyɛmi sɔsɔɛ.

Fiɛɛmi 26

Nɔ fɛɛ nɔ nɛ ni kasemi he blɔ. A be ni kasemi he hiɔ woe, titli ɔ nɛ sisije sukuu ke nɔ nɛ fie lɔ ɔ se ɔ. Jokuɛwi a sukuu yami maa pee nɔ nɔ nyemi sane. A ma ha nɔ tsuaa nɔ nine nya ni tsumi ke ni tsumi kpa amɛ a kasemi he blɔ, nɛ ni kasemi he nɛ ya hɛ mi ɔ hu maa hi si ke ha nihi nɛ a maa hla mɛ nɛ a mɔde bɔmi nya.

Ni kasemi ma tsɔse nɔmlɔ adesa nɛ e maa je blɔ ke ha adesa he blɔhi a bumi ke he jɔmi. E maa je blɔ ke ha he lo sisi numi ke tsui si tomi ke hue bɔmi, bɔ nɛ pee nɛ kake peemi nɛ ba je mi tsuo, kone mi gbami nɛ baa nɛ jami ke nɔmlɔ blɔ fa mi nɛ e gu. E maa ye hu ke bua Je Mahi A Kake Peemi Kuu ɔ nɛ e ni tsumihi a mi nɛ tue mi jɔmi nɛ hi si be fɛɛ be.

Fɔli nɛ sa nɛ a tsɔɔ ni kasemi nɛ he hia a bimɛ.

Fiɛɛmi 27

Nɔ tsuaa nɔ nɛ he blɔ faa nɛ e ke e he woɔ ma kusumi ni peemi nihi a mi, kone a mi ni tsumi, nihi a si kpami ke se nami ɔ, lɛ hu e na eko.

He blɔ nɛ ke ha nɔ fɛɛ nɔ biɛ kpakpa ke e suɔmi nya ni he fami, nɛ nihi a si kpami loo womi ngmami loo ga ni tsumi ko nɛ e ma tsu blɔ fa mi.

Fiɛɛmi 28

Nɔ tsuaa nɔ maa ye kuu mi nɛ e nɛ ɔ ke mahi tsuo a kpɛti mlaa mɔ, kone he blɔhi ke he jɔmi a he blɔ nya nɛ a to nɛ womi nɛ ɔ mi ɔ, e ye manye.

Fiɛɛmi 29

Nɔ tsuaa nɔ nɛ e blɔ nya ni tsumi nɛ e sa nɛ e tsu nɛ kuu mi nɛ e nɛ ɔ, leje ɔ se si himi nɔ yami maa je.

Nɛ nɔ fɛɛ nɔ e he blɔhi ke he jɔmi nami a he ni tsumi blɔ fa mi ɔ, e ko pee nɔ ko nɛ maa be mlaa he, bɔ nɛ pee kone e na bumi ke ha ni kpahi hu a he blɔhi ke he jɔmi, nɛ e hɛ je mi bami kpakpa ke ma tue bumi, nɛ e na nɔ tsuaa nɔ he juɛmi kpakpa nɛ ma si himi he nɛ nɔ fɛɛ nɔ hɛ e blɔ nya nɛ ɔ mi.

Kikɛmɛ a he blɔhi ke he jɔmi nɛ ɔmɛ ɔ, nɔ ko be he blɔ nɛ e tsuɔ he ni bɔ nɛ tsa pi ja nɛ Je Mahi A Kake Peemi Kuu ɔ e blɔ nya tomi ke e yi mi tomi tsɔɔ.

Fiɛɛmi 30

Nɔ ko nɔ ko be womi nɛ ɔ mi nɛ a maa ngɔ kaa e haa ma pɔtɛ ko, loo kuu ko loo nɔ ko he blɔ jo, nɛ e pee nɔ ko nɛ e juɛmi ji kaa e ma ke pue he jɔmi ke he blɔhi nɛ a ngma ke wo womi nɛ ɔ mi ɔ a kpɛti eko.